

Oqaluuserisassanut nassuiaat.

(Inatsisartut Siulittaasuat)

Oqaluuserisassani immikkoortoq 174 2022-mi ukiakkut ataatsimiinnissamut (UKA2022-mut) kinguartinneqarpoq.

Immikkoortup qulequtaraa: Qanoq iliorluta kulturitoqarput aallaavigalugu tamat oqartussaaqataanerannik sanarfinninnitsinni inuttaasut peqataatinneqarnerat sunniuteqaqataanerallu pitsaanerpaamik qulakkeersinnaaneripput pillugu apeqquteqaat aallaavigalugu oqallinnissamik siunnersuut.

Ullumi ulloq juunip ulluisa aallaqqaataat nunarsuaq tamakkerlugu meeqqanut ulloritinneqarpoq, ilaatigut ulloq atorneqartarluni meeqqat artorsaateqartut atugaasa pitsanngorsarneqarnissaannut eqqaasitsiviusut. Meeqqat ulluinnarni pisariaqartitaannik ullumi eqqumaffiginnissaagut. Taamatut ulloqartitsisarneq 1925-mi Genevemi meeqqat pisinnaatitaaffii pillugit ataatsimeersuarnermit nunanit 54-init peqataaffigineqartumit aallaaveqarpoq. Nunarsuaq tamakkerlugu meeqqanut ulloritinneqartoq ullumikkut nunarpassuarni malunnartinniarneqartarpoq.

Taamaattumik minnerunngitsumik ullumikkut kisiannili aamma ulluinnarni eqqarsaatigisariaqarparput uagut nammineq innuttaaqataasutut qanoq iliorsinnaanersugut meeqqat artorsartut atugarisaat pitsaanerulersissinnaanerigut, sunimmi suliaqarnerput apeqqutaatinnagu pissutsit pitsaanerulernissaannut innuttaaqataasughut tamatta peqataasinnaagatta. Meeraq kinaagaluartorluunniit ulluinnarni toqqissilluni inuuneqarsinnaatitaavoq, ullut tamaasa pisariaqartitaat naammassineqarsinnaasariaqarlutik. Meeqqat ulluanni pilluaritsi.

Landsrådinut, Inatsisartunut Naalakkersuisunullu ilaasortaasimasoq Henrik Nielsen ullumi 80-inik ukioqalerluni inuissiorpoq. Henrik Nielsen pilluaqquarput.

Taasisarnerit pillugit uku akornanni isumaqatigiissuteqartoqarpoq:

Hans Enoksen, Naleraq aamma Eqaluk Høegh, Inuit Ataqtigiiit.

Pipaluk Lyng-Rasmussen, Inuit Ataqtigiiit aamma Jens-Frederik Nielsen, Demokraatit.